

中國歷代書院志

趙所生 薛正興 主編 八冊

虞山書院志序

虞山耿侯庭懷為令數年政化行矣教
事具嚴嘗脩建虞山書院與諸縉紳先
生若群弟子遊書院初祠吳公言游以
虞山其里也已乃增設堂廡由孔子上
邇伏羲下迄我

明得聖賢若干人各肖像室中而孔門自

虞山書院志序

顏魯外特宗言游

虞山專

祀故書院春秋有祀祀有詩歌朝夕有
業業有考校射有圃講有堂聞其風聲
即古人絃誦書禮之遺宛然見之可謂
斌斌大盛今春庭懷過延陵因持院規
諸篇視余余乃喟然嘆曰世方悠悠委
學不譚今庭懷何卓然也且世之不譚

學也亦非無故曩亦有一二學宿高樹

前茅而言是行非其身不免為世詬病

至令人視道學一途若取名取官捷徑

然而矯枉之士寧閉戶巖居以為恬脩

而終不敢仇顏色于人之耳目蓋有激

然也今庭懷銳意道術大為科條其誠

狹恬脩而不忍出耶抑亦有所自信而

虞山書院志序

二

不虞乎人之詬且病耶夫自信者必其

流思之豈第精慮之純一持規之嚴潔

見義之闕明有脩在言前神季教外者

而後詬病無從生又必其獨慊吾心之

真是默符千古之聖神而後不知者之

詬病勿為玷也不然其猶不若恬脩者

之完也夫有所自信而不忍求為完吾

故甚為庭懷健雖然彼恬脩者豈其無
善世之心要以蘊積有本施出有次治
已而徐可及物內韜而久乃愈章也今
夫登高而望人指者多離火彌遠為映
彌大必欲善世無窮寧唯是一時之建
設與百具之張皇而已哉庭懷行矣惓
惓前事而永思不亡何其懇也庭懷能

虞山書院志

三

終自信所為澄心而證無愧聖賢者常
如虞山時澡身而游儼趨宮牆者常如
虞山時吾乃更為庭懷蹕一不然而持
悠悠之議者滋藉口耳夫使虞山之人
士永有望依而四遠之聞虞山者永有
所以則效則庶幾茲舉之不為譚學詬
病乎庭懷其志之若夫大道可偕而猶

狹難安據清澗而辭朝宗者非情也吾
又願與庭懷交志之至欲來者之繼與
虞人士之風厲則庭懷與諸先生言具
矣余不復云

賜進士及第右春坊右中允兼翰林院編
脩編纂

起居管理

虞山書院志

序

四

誥勅思陵孫慎行撰



虞山書院志序

天下之普記無私者道也專壹有方者學也道則匹夫匹婦無不該而學則君子事也君子學又以教天下之不學故曰學者覺也不獨自覺還以覺人也言夫子之言曰君子學道則愛人小人學道則易

虞山書院志序

二

使夫小人之于學豈亦孜孜兀兀莊坐雅讀而學之與不過聞所聞焉見所見焉而善念勃然興非心瞿然化矣彼君子之學其興起於先王景行于前哲亦何以異此然則學不在誦讀而在此勃然瞿然者也此勃然瞿然者又必有觸而

虞山書院志序

二

動故君子欲移天下之心志必先正天下之見聞欲正天下之見聞必先導之以禮樂如入廟思哀過闕思敬哀與敬非吾心與何待入廟過闕而後動也夫安有宮牆萬仞入其門升其堂見宗廟百官之森列而不欽容易志者見學士先生之盤辟有禮誦說先聖闢發道義而不悚然承聽者入而欽容出而戲淪聞教而竦聽私居而無所不為嗟乎是亦非夫矣君子不忍以此概天下也故學必有講必有會必有堂所以為節禮樂端見聞移心志之具也虞山故有書

院因先賢言子舊祠云祠起于有宋院建于有元盛于

國朝世廟時而毀于江陵相之當國院毀而祠以先賢故得不毀今河間

耿侯來令常熟慨然以表章先賢興起後學為已任考故址而鼎新

虞山書院志

序

三

之名曰虞山書院所建有講堂有經房有精舍經房以奉先聖精舍以尚友諸子各繪其象而鐫之各有贊辭有所北面有所比肩以示願學之有在規制備宗統明矣則與諸縉紳先生青衿之士約為文會為講會、有期及期即四方同

志之士皆至推有道術者主盟隨問剖析有所發明捷之筆記皆可印證聖學而其進退揖讓彬彬焉雍、焉有禮節樂和之意足使人聞且見之而勃然興瞿然化者矣諸友慮其久而或湮為誌、之自形勝藝文建置之屬凡若干卷粹

虞山書院志

序

四



然大倫屬不佞以誠序之又申之曰言夫子之在聖門顏魯之亞也曩宗像誌中已見大意子謂何如不佞伏思之先賢所謂文學之選也然文為何物學為何事必有見道者存且當時及門諸子仕于列國不過富強取效誰能以禮樂淑

人如先賢者禮樂本于中和中和
本于性命不能有之誰能似之夫
有虞帝之盛也周南王之隆也然
問其治不過曰舞干羽于兩階不
過曰男女異路頒白不提挈士讓
為大夫大夫讓為卿而有苗來格
虞芮質成化之四訖若彼武城絃
歌何多讓焉故一禮樂也為之堂
上而達之天下者有虞與周南也
化于境內阻于境外者武城也千
載之下其使人聞風而興起一也
夫子喟然于春風沂水之曾點莞
爾于割雞牛刀之言子不言之意
千載誰知夫君子之教不能及于


當世則以待後之聞風者不能遍
于天下則姑就吾身之所及者虞
山之有會有院有老者亦以意也
後之人聞耿公之風而興起焉安
測其教之所至哉不佞不及講席
之末不敢渎言聊叙耿公立教之
意以自附于執鞭云

雲間張以誠頓首拜謨







言子祠圖二




絃歌樓圖三




射圃圖四



講武廳圖五



讀書臺圖六



虞山書院志目錄

虞山書院志目錄

第一卷

地勝志 古蹟志 建置志

第二卷

先賢志

第三卷

祀典志 宗像志

第四卷

院規志

虞山書院志目錄

第五卷

文移志 官師志

第六卷

書籍志 什器志 樹藝志 院田志

第七卷

會語志 官師
教士

第八卷

會語志 大會一
大會二

第九卷

藝文志二

第十卷

藝文志三

虞山書院志
目錄

二

虞山書院志卷之一

毘陵孫慎行聞斯甫裁閱

雲間張 鼐世調甫叅閱

吳郡王穉登百穀甫

邑人錢時俊用章甫

雲間俞汝楫仲濟甫

邑人孫 森子桑甫

翁應祥兆吉甫

邵 濂茂齊甫

虞山書院志
卷之一

馮復京嗣宗甫

言 禧仲淳甫同校閱

嚴 柟棟孺校梓

地勝志

張鶴曰濱海而國曰虞其山曰虞山皆以虞

仲傳也或曰商巫咸居虞山在虞仲前虞仲

讓國居其地爲商逸民後七百年而言子出

則地之勝又以言子傳矣嗟乎桑滄有改山

陵可移古來靈異之區埋沒莫可記者多矣

而茲山之勝代封而識之以迄于今夫地靈
安能以久特聞亦千年人心自有虞仲言子
者在而表章之不能已只此一點不因滄改
不逐陵化山非山水非水也令公輯而新之
爲書院堂圃樓臺罔不增而飾焉以傳其勝
夫此邦之人善讓而彬彬有文學其素也令
公直欲引其千年來表章一念而使人人識
其所爲言子虞仲者以歸之於聖人是令公
之紀勝又不在山水靈異之間也志地勝


虞山書院志


卷之一

二

一六

虞山書院總圖







俞汝楫曰按舊志虞山長一十八里其高處江外諸山皆可見以邑城形勢度之山在城外者什之九而內居什之一如拂水楊家諸巖桃源破龍諸澗維摩中峰諸寺或遙瞻滄海或平挹湖光或曲徑通幽或層巒聳碧未易枚舉皆城外之勝也城以內達觀亭最勝從亭上望尚湖昆湖正如兩片水盤浮動左右亭西有清權祠祀商逸民虞仲以仲墓在亭之左也山南麓有巫咸祠史記載咸及子賢皆居虞沒葬虞山至今吊古者猶得見商賢相之墟焉祠之東古檜七株爲蕭梁時所植蒼蓋虬枝莫可名狀檜之北有丹井井迤西有大石皆可棲而可憑者由清權祠東折而南卽子游墓從墓而下數十步有影娥川昔人于此作亭爲文士遊憩之所今亭廢矣一水尚泓然可掬從墓道西折而南百餘步爲初平石俯瞰虞城參差萬瓦如鱗如櫛更南數十步爲石梅澗舊志云石壁峭立有梅

生石罅中故名書院在山之麓當虞仲子游
兩墓間直下三百步許南爲文學里迤北西
入堂室精舍與言子祠傑然鼎峙從言子祠
出游藝門北通射圃南達講武廳而中爲絃
歌樓樓高三十餘尺山南諸勝始畢獻目前
西望讀書臺古木參差嵐光樹色互相映帶
右出樂壽門忽得山坡數萬株循松徑度小
橋登臺視樓直可俯而憑耳臺左有泉樓前
有池池曰洗硯泉曰文武相傳爲焦尾溪遺
虞山書院志卷之一
派益城內山南一隅其古蹟若亡若在地勢
忽高忽平踈莽蔥鬱泉石祠宇分奇綴勝而
書院成遂全收諸堂室之中亦虞山有靈秘
此勝地以開千萬年道脉之傳也若過子游
墓以北崇山幽谷不乏名區于書院罕所關
係茲不贅云

古蹟志

張鶴曰人傳而地傳地傳而蹟傳蹟之傳不
如其人之親也然而因蹟以識不忘夫攷蹟
于丘莽土石之間如三家村人看三代法物
渠能辯其真哉雖然蹟人之標影也凡標影
不可繫人心而亦可以指人心令人心知古
人之蹟不遠而風俗變化以幾于古之希夷
而穆穆者是亦蹟之所留也已嘻若以蹟觀
丘莽土石若不以蹟觀對面古人是令公之
意也夫志古蹟

虞山書院志卷之一

九

虞山

虞仲嘗隱此山故曰虞山越絕書云虞山巫咸所居或殷商時已稱虞山矣下有尚湖相傳太公尚嘗釣于此嘉靖中據山之東南築城今虞仲子游墓俱在城內

言子墓

史記吳世家注子游墓與仲雍塚並列又索隱云仲雍塚在常熟西虞山上與言偃塚並列吳地記云仲雍墓在虞山東嶺今書院在

虞山書院志卷之一

十一

二百廿五

墓南二百餘步登絃歌樓仲雍言子二墓俱在望

墨井

按舊志井在縣治北一百九十步吳地記云言偃宅有井井邊有浣衣石故物也輿地志以爲梁蕭正德爲太守取石去今井雖在然民居環繞不可睹丙午邑令耿 勗絃歌樓于書院西邑人知縣徐待聘作井樓前仍舊名立碣其上

子游東巷

在縣治之北景言巷後

子游西巷

在縣治西北寺巷之後

景言巷

在縣治後舊墨井在此井大而水黑

景言閣

在縣治後與景言巷相接寶慶丙戌縣令惠疇建今廢

虞山書院志卷之一

十二

一百六十七

子游闕里坊

在阜民門內今在

文學坊

在文學橋西今廢

文學橋

在縣治東北子游東巷口舊名言偃橋宋慶曆五年錄事夏秀建洪武間里人陳貞重建今在 按圖經言偃橋在縣東一百五十步文學橋在縣東北一里前志并二橋爲一宋

壺山黃士毅有銘載在莪文志中

吳公祠

宋慶元間邑令孫應時于學宮東偏作堂奉祀子游新安朱熹撰記因名吳公祠今在

言氏家廟

弘治間縣令楊子器即言氏之居爲廟以祀

先賢在縣治東北一里許名言氏家廟今在

文學書院

虞山有言偃墓至順間邑人曹善誠去墓二

虞山書院志

卷之一

十三

二百四十五

百餘步即山麓建文學書院祀子游建祠肖

像比白鹿睢陽有贍田若干畝年遠而廢嘉

靖間邑令王叔杲益闢地增置號舍書樓爲

一邑巨觀萬曆庚辰江陵相議毀天下書院

有司漫不經意豪右利其所有遂毀僅存一

祠乙巳縣令耿倡率士民重建更名曰虞

山書院詳建置志中

莞爾亭

在致道觀來雲石上邑人都御史陳察撰記

今廢

致道觀

觀在虞山南麓今書院之西梁天監二年建

內古檜七株蕭梁所植也其後即昭明太子

讀書臺

觀德堂

在虞山東南麓舊三皇廟址也正統間廢弘

治間縣令楊子器即其地爲射圃提學御史

陳琳講射于此顏曰觀德堂舊北向萬曆丙

虞山書院志

卷之一

十三

二百八十七

午縣令耿重建改西向更名智聖堂在絃

歌樓後詳建置志中

絃歌館

在縣治西南二十步許今葉凱易名百花堂

後改賞心亭今廢

興賢池

在虞山乾元宮左宋嘉定中浚池得石刻有

興賢池三字水清不涸

讀書臺